

欽定剿平三省邪匪方略

續編

一

五

九

卷之四

四

目

欽定剿平三省邪匪方略續編卷二十九

甲子年

六月二十日

丁丑

額勒登保德楞泰賽冲阿奏言

臣等昨督兵在線朗坪二蹬巖等處剿殺賊匪

後該逆敗竄放馬厰二十七日官兵分路進攻

該匪膽敢在老林憑險擲石抗拒

臣

賽冲阿同

豐紳馬瑜策勵兵勇奮力上搶鎗箭所到眼見  
斃賊數名均被該匪將屍身拖回我兵愈攻愈

力該匪始敗向長房嶺逃竄查看地勢盡係叢

竹密林隨令兵勇一面施放排鎗一面砍路進

逼該匪見我兵轟逼而進復捨死撲出兵勇等

在林內用刀矛與賊互相砍戮當斃執旗賊目

一名矛手五名該匪力不能支始向包穀廠桃

花埡竄去我兵追至埡口沿途又擒獲三名

臣

德楞泰督兵策應我兵轉戰一日且老林路徑

險仄隨於林邊暫紮帷時

臣

額勒登保派出之

叅將哈豐阿侍衛色克通阿與楊遇春均帶兵

趕到楊遇春查看懸崖峭壁萬難仰攻當商令

哈豐阿色克通阿親勘險要處所分撥兵勇設

伏又令副將吳廷剛叅將祝廷彪帶兵前赴獅

子洞十里坪一帶依傍老林設伏

臣

額勒登保

又於存營兵丁中挑派五百名每百人爲一隊

不帶鍋帳分赴貝母池青草坪觀音祠新開場

等處在老林內設伏以杜該匪乘間北遁二十

九日夜半該匪欲從小寒溪老林竄出哈豐阿

等隨令兵勇施放鎗礮轟擊該匪仍折回老林

天明查看林外有擊斃屍身二具初一日據

臣

額勒登保派往貝母池設伏之守備保元龍差

兵高貴魏炳泰來營稟報前赴老林探賊於長

槽地方遇見執矛賊匪三名當卽向前擒獲劉

明盛一名其二人滾巖脫逃

臣

當將劉明盛嚴

訊據供我們昨夜欲由小寒溪竄出又被官兵

鎗礮轟回大家商量由貝母池北走王家壩差

我前來探路等語當卽凌遲處死隨將匪蹤飛

行各路

臣

德楞泰賽冲阿得信督率豐紳馬瑜

田朝貴喜明各帶兵勇分路由苔草坪郭耳坪

向家巖穿越老林隨修隨進林中處處懸崖仄

徑險峻異常

臣

賽冲阿與豐紳馬瑜暨鎮將等

皆徒步督兵進逼直入大梁深處該匪不能存

紮又避向東趨初三日黎明叅將祝廷彪守備

齊慎挑帶兵勇五百名入林分佈預備掩襲詎

該匪於峯頂伏匿哨見祝廷彪等兵勇已過分

爲兩起於午後潛向十里坪竄出意圖攻撲營



卡副將吳廷剛都司呂天俸當卽分督兵勇截  
殺祝廷彪等聽聞鎗礮聲響知賊匪已由林內  
逸出當卽帶領兵勇趕回協剿賊匪見官兵前

後截殺仍卽折回老林我兵分投追擊斃賊九  
名生擒二名該匪現在有趨乾溝河馬家坪之  
勢連日弁兵鄉勇中間有傷亡容俟查明容部  
辦理楊遇春現督同吳廷剛等抄赴馬家坪迎

剿臣額勒登保帶同劉瑞副將唐文淑等由修

理山紅花梁後坪顧北抄截臣德楞泰賽冲阿

督同豐紳等由筭子坪青灣子分投前進總期

卽得勝仗上慰

宸懷至總兵王兆慶所剿零匪前在丁家山被剿後

分起逃入黃墩一帶現據王兆慶稟報此起零

匪先經遊擊廖世俊楊得升帶兵追捕趕至長

板溪斃賊一名擒獲一名嗣王兆夔率同王英黃傑搜至花椒坪大梁王英黃傑帶領兵勇入

林掩殺斃賊四名生擒七名訊據獲犯供稱此起零星湊合之匪共有二十九人今被衝殺十

幾人其餘各自逃遁等語訊明後當將獲犯正法其餘剩匪犯十餘人現飭王兆夔仍督同將備分路搜拏以期根株淨絕

同日額勒登保又奏言臣仰沐

聖上恩慈畀以師干重任數年之間仰賴

睿謨指示業將羣惡以次掃除尙存二百餘賊實係

臣一人未竟之責今春復

命來營督辦竊望與德楞泰賽冲阿會合籌商於一

兩旬內趕剿殄除上紓

宵旰迺臣等竭盡心力分投趕剿仍未能悉數殄除

仰蒙

聖主訓飭矜全臣與德楞泰業將實在情形兩次奏

陳

聖鑒目前最要之事自以安插鄉勇爲亟臣熟知刻

下殘匪無多原不必再藉鄉勇之力因念從前  
曾有微勞現在隨征亦與兵丁無異未便一時  
全行散遣致啟其疑是以除將年老傷病不甚

得力及自願告遣者先行分別遣撤外現在陝  
省原募鄉勇共計一千二百餘名四川原募鄉  
勇共計二千三百餘名業經奏定章程可以妥  
爲安置至楚省鄉勇未經撤遣者聞有五六百  
名有吳熊光自行辦理至<sub>臣</sub>等昨奏添調川兵  
二三千名至太平大寧開縣邊界分段暫駐係  
爲扼截賊匪竄逕且所調卽係剿兵並非因各

該境內現有伏而未起之賊預爲設備此係實

情

臣

現年五十有七精力未應就衰惟因出師

七次從事行間三十餘載曾經帶傷並受風寒

暑濕夙多疾病此次來營精力迥不如前每日

需服藥劑徒步已覺不能兩旬以來舊疾復發

胸膈脹滿更兼頭暈心跳兩腿痛楚遇上前督

率之時實有不能支持之勢現在一面嚴催提

鎮等加緊趕辦一面服藥調治以冀速痊據醫  
生診視驟難痊愈刻下自知辦理遲滯萬一不  
能親自督率再有貽悞罪愈莫追不敢不據實

陳明均奏入

上命軍機大臣傳諭額勒登保曰額勒登保久歷戎  
行備嘗辛苦今因急於剿賊舊疾復發每遇督兵  
進剿之時實有不能支持之勢朕心實爲屢念目



今天氣暑熱川省深山老林又多雨水一切難於  
調撥况該處零匪本派德楞泰賽冲阿督兵剿捕

若額勒登保仍在彼帶兵德楞泰等又未免意存

推讓轉有鬆勁所有川省奔竄零匪竟交德楞泰

督同賽冲阿等剿辦以專責成額勒登保即可回

至西安調理現在降旨令德楞泰以欽差大臣兼  
成都將軍度於一切剿辦事宜呼應較靈額勒登